

Ի գիտություն հասարակությանը

ՀՀ հանրային ծառայությունները կարգավորող հանձնաժողովը, նպատակ ունենալով տեղեկացնել հանրությանը հանձնաժողովի 2018 թվականի աշխատանքային ծրագրով 4-րդ եռամսյակում նախատեսված աշխատանքների մասին, ստորև ներկայացնում է այդ աշխատանքների հակիրճ բովանդակությունը:

Հանրային կազմակերպությունների կողմից գնումների առանձին գործարքների արդյունավետության ուսումնասիրության և գնումների կարգերի լրացուցիչ պահանջներին համապատասխանության գնահատման նպատակով նախատեսվում է իրականացնել հանրային կազմակերպությունների 2017 և 2018 թվականների գնումների առանձին գործարքների ընտրանքային մոնիթորինգ, որը ներառում է հանրային կազմակերպությունների կողմից մինչև գնման հայտարարությունն իրականացված շուկայի ուսումնասիրությունների, գործարքների համար կիրառվող գնման մեթոդների ընտրության, մրցութային փաստաթղթերի և մատակարարների ընտրության ընթացակարգերի մոնիթորինգը: Հանրային կազմակերպությունների գնումների առանձին գործարքների ընտրանքային մոնիթորինգի արդյունքները հրապարակվում են հանձնաժողովի պաշտոնական ինտերնետային կայքում:

Նախատեսվում է լրամշակել էլեկտրական էներգիայի և բնական գազի մատակարարման և օգտագործման, ինչպես նաև խմելու ջրի մատակարարման և ջրահեռացման (կեղտաջրերի մաքրման) ծառայությունների մատուցման կանոնները, որի ընթացքում հաշվի կառնվեն ոլորտում առկա խնդիրները և բաժանորդների դիմում-բողոքները:

Էլեկտրական ցանցին նոր սպառողի միացման գործընթացի կազմակերպման արդյունավետության բարձրացման և միացման ժամկետների պահպանման նկատմամբ վերահսկողություն իրականացնելու նպատակով նախատեսվում է կատարել 2017 թվականի տարեկան և 2018 թվականի 3-րդ եռամսյակի արդյունքներով «Հայաստանի էլեկտրական ցանցեր» ՓԲԸ-ի կողմից նոր սպառողի

կամ սպառողի վերակառուցվող սպառման համակարգն էլեկտրական ցանցին միացման ցուցանիշների ուսումնասիրություն, համապատասխան վերլուծական տեղեկանքի կազմում և հրապարակում հանձնաժողովի պաշտոնական ինտերնետային կայքում:

Նախատեսվում է հաստատել խոշոր էլեկտրակայանների 2019 թվականի պայմանագրային և տնօրինելի էլեկտրական հզորությունները, որն իրականացվում է հանձնաժողովի 2017թվականի մայիսի 17-ի N°161Ն որոշմամբ հաստատված ՀՀ էլեկտրաէներգետիկական համակարգի ցանցային կանոնների 16-րդ գլխով սահմանված կարգով և ժամկետներում:

«էներգետիկայի մասին» Հայաստանի Հանրապետության օրենքում փոփոխություններ և լրացումներ կատարելու մասին» Հայաստանի Հանրապետության օրենքից բխող՝ նախատեսվում է էներգետիկայի բնագավառում հանձնաժողովի կողմից սահմանված պայմանագրերի օրինակելի ձևերի վերանայում և օրենքի ուժի մեջ մտնելով պայմանավորված՝ լիցենզիաների պայմանների համապատասխանեցում:

Նախատեսվում է մշակել բաշխման ցանցին արտադրող (վերակառուցվող) կայանի միացման, կարգաբերման-գործարկման աշխատանքների ընթացքում էլեկտրական էներգիայի առաքման և էլեկտրական էներգիայի առուվաճառքի (օրենքով գնման երաշխիք ունեցող մինչև 30 ՄՎտ տեղակայված հզորությամբ կայանում էլեկտրական էներգիա արտադրող-բաշխող) պայմանագրի օրինակելի ձևը:

Նախատեսվում է լրամշակել ՀՀ հանրային ծառայությունները կարգավորող հանձնաժողովի՝

- 2013 թվականի հուլիսի 31-ի N285Ն որոշմամբ հաստատված էներգետիկայի բնագավառում (բացառությամբ էլեկտրաէներգետիկական համակարգի) լիցենզավորված անձանց միջև կնքված ու բնական գազի ներկրման ու արտահանման պայմանագրերի գրանցման կարգը,
- 2013 թվականի հոկտեմբերի 2-ի N339Ն որոշմամբ հաստատված էլեկտրական էներգիայի (հզորության) և բնական գազի ներկրման ու արտահանման գործունեության լիցենզավորման կարգը,

- 2013 թվականի նոյեմբերի 1-ի N374Ն որոշմամբ հաստատված էներգետիկայի բնագավառում գործունեության լիցենզավորման կարգը,
- 2017 թվականի օգոստոսի 9-ի N344Ն որոշմամբ հաստատված Հայաստանի Հանրապետության էլեկտրաէներգետիկական մեծածախ շուկայի ժամանակավոր առևտրային կանոնները:

Նախատեսվում է լրամշակել նաև «Վեոլիա Ջուր» փակ բաժնետիրական ընկերության խմելու ջրի մատակարարման և ջրահեռացման (կեղտաջրերի մաքրման) ծառայությունների մատուցման ԼՋ N°0001 լիցենզիայի պայմանները:

Խմելու ջրի մատակարարվող ժամերի վերաբերյալ սպառողների իրազեկման և ջրամատակարարման հետագա բարելավման նպատակով նախատեսվում է «Վեոլիա Ջուր» փակ բաժնետիրական ընկերության կողմից իր սպասարկման տարածքի հրապարակվելիք ջրամատակարարման գրաֆիկի համաձայնեցում Հայաստանի Հանրապետության հանրային ծառայությունները կարգավորող հանձնաժողովի հետ: Ջրամատակարարման գրաֆիկը նախատեսված է հրապարակել տպագիր մամուլում և ջրամատակարար ընկերության ինտերնետային կայքում:

Նախատեսվում է «Վեոլիա Ջուր» փակ բաժնետիրական ընկերության կողմից խմելու ջրի մատակարարման և ջրահեռացման (կեղտաջրերի մաքրման) ծառայությունների մատուցման սակագների վերանայում: Ընկերությունը սակագնի վերանայման հայտը հանձնաժողով է ներկայացրել սույն թվականի օգոստոսի 8-ին, այն ընդունվել է ուսումնասիրության օգոստոսի 21-ին և ներկայումս գտնվում է ուսումնասիրության փուլում: Սակագնի վերանայման հայտը քննարկվելու է և որոշում է կայացվելու այն հանձնաժողով ներկայացնելու օրվանից հետո 80 աշխատանքային օրվա ընթացքում:

«Հանրային ծառայությունների կարգավորման պարտադիր վճարների մասին» Հայաստանի Հանրապետության օրենքի պահանջներից ելնելով՝ նախատեսվում է հաստատել հանրային ծառայությունների կարգավորման պարտադիր վճար վճարողների 2019 թվականի անվանական կազմը և հանրային ծառայությունների կարգավորման պարտադիր վճարների տարեկան դրույքչափերը:

Նախատեսվում է լրամշակել ՀՀ հանրային ծառայությունները կարգավորող հանձնաժողովի 2014 թվականի հուլիսի 2-ի N°235Ն որոշմամբ հաստատված համարի

և կողի զբաղեցման թույլտվության հատկացման ու օգտագործման կանոնները, որն ուղղված է համարի և կողի զբաղեցման թույլտվության հատկացման ու օգտագործման կանոնների լրամշկմանը: Մասնավորապես սահմանվելու են թույլտվության մեջ փոփոխությունների կատարման, թույլտվության գործողության կասեցման և դադարեցման, թույլտվության գործողության ժամկետի երկարաձգման և վերաձևակերպման ընթացակարգերը և հստակեցվելու՝ թույլտվություն ստանալու հայտի ուսումնասիրության չընդունելու և հայտի մերժման հիմքերը:

ՀՀ հանրային ծառայությունները կարգավորող հանձնաժողովի 2019 թվականի գործունեության ծրագրի հիման վրա կմշակվի հանձնաժողովի 2019 թվականի աշխատանքային ծրագիրը, որտեղ ըստ ժամանակացույցի կարտացոլվեն հանձնաժողովի գործունեության ծրագրով նախատեսված կոնկրետ աշխատանքները: Հանձնաժողովի 2019 թվականի աշխատանքային ծրագիրը կիրապարակվի հանձնաժողովի պաշտոնական ինտերնետային կայքում:

Նախատեսվում է հրապարակել ամփոփ տեղեկատվություն դատական գործերի վերաբերյալ:

Եռամսյակային արդյունքներով կամփոփվեն և հանձնաժողովի պաշտոնական ինտերնետային կայքում կիրապարակվեն՝

- սպառողների սպասարկման որակի ցուցանիշների վերաբերյալ էլեկտրական էներգիա, բնական գազ և խմելու ջուր մատակարարող ընկերությունների կողմից ներկայացված տեղեկատվությունը,
- սպառողների դիմում-բողոքների վերաբերյալ էլեկտրական էներգիա, բնական գազ և խմելու ջուր մատակարարող ընկերությունների կողմից ներկայացված տեղեկատվությունը,
- էլեկտրաէներգետիկական, գազամատակարարման համակարգերի և ջրային ոլորտի կարգավորվող ընկերությունների գործունեության տեխնիկատնտեսական ցուցանիշները: